

Մայր Աթոռ Ս. Էջմիածին
Տեղեկատվական Համակարգ
Հեռ.: (374 1) 517 128/125
Հեռառիպ: (374 1) 517 125
Էլ-փոստ: holysee@etchmiadzin.am
Տնօրեն՝ Տ. Վահրամ քհն. Մելիքյան

ՀԱՂՈՐԳԱԳՐՈՒԹՅՈՒՆ

Ապրիլի 11, 2005թ.

Հայ Եկեղեցու պատվիրակությունը մասնակցեց Հովհաննես Պողոս Բ Պապի հուղարկավորությանը

Ապրիլի 7-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի գլխավորած պատվիրակությունը Հայաստանի կառավարական պատվիրակության հետ ժամանեց Հռոմ՝ մասնակցելու Ս. Պետրոսի աթոռի 265-րդ գահակալ Հռոմի Հովհաննես Պողոս Բ Պապի թաղման արարողությանը: Վեհափառ Հայրապետին օղանավակայանում դիմավորեց Վատիկանի բարձրաստիճան հոգևորականներից բաղկացած հատուկ հանձնախումբը և Իտալիայի հոգևոր հովիվ Առեն արեղա Շահինյանը:

Օղանավակայանից Նորին Սրբությանը ուղեկցեցին Վատիկանի Ս. Պետրոսի տաճար, ուր Նորին Սրբությունը աղոթք բարձրացրեց առ Աստված հանգուցյալ Պապի աճյունի առջև:

Հաջորդ օրը, առավոտյան ժ. 10.00-ին, Ս. Պետրոսի տաճարում տեղի ունեցավ Սբ. Պատարագի հատուկ արարողություն: Ըստ Կաթողիկ եկեղեցու ավանդության, շուրջ երեքժամյա արարողության ընթացքում համապատարագում էին 164 կարդինալներ: Հռոմի Քահանայապետի թաղման արարողությունը նախագահում էր կարդինալների քոլեջի ղեկան կարդինալ Յոզեֆ Ռ-ացինգերը:

Արարողությանը ներկա էին քույր եկեղեցիների առաջնորդներն ու ներկայացուցիչները, Տիեզերական պատրիարք Բարդուղիմեոս Ա-ը, Հունաստանի և Աթենքի արքեպիսկոպոս Քրիստոփոլոսը, Ռուս Ուղղափառ Եկեղեցուց միտրոպոլիտ Կիրիլը և այլ բարձրաստիճան հոգևորականներ: Ներկա էին նաև շուրջ 200 երկրների նախագահներ, բարձրաստիճան պաշտոնատար անձինք և պատվիրակություններ:

Օրվա երկրորդ կեսին Վատիկան ժամանած՝ եկեղեցիների և քրիստոնեական միջազգային կազմակերպությունների պատվիրակություններին ողջունեց կարդինալ Յոզեֆ Ռ-ացինգերը:

Հանուն Հայաստանյայց Առաքելական Սբ. Եկեղեցու Կաթողիկ Եկեղեցու Քահանայապետի հուղարկավորությանը մասնակցեցին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը, Ն.Ս.Օ.Տ.Տ. Արամ Ա Մեծի Տանն Կիլիկիո Կաթողիկոսը, Կ.Պոլսի Հայոց պատրիարք Տ. Մեսրոպ արք. Մութաֆյանը, ԱՄՆ Արևելյան թեմի առաջնորդ Տ. Խաժակ արք. Պարսամյանը, Մեծի Տանն Կիլիկիո Կաթողիկոսության միջեկեղեցական հարաբերությունների բաժնի վարիչ Տ. Նարեկ եպս. Ալեմեզյանը, Իտալիայի հոգևոր հովիվ Տ. Առեն արք. Շահինյանը և Ամենայն Հայոց Կաթողիկոսի գավազանակիր Տ. Գեղարդ արք. Վահունին:

Ամենայն Հայոց Հայրապետը Մայր Աթոռ վերադարձավ ապրիլի 9-ին:

###